



Universitätsbibliothek Paderborn

Qvæstiones Morales Selectiores De Lege Interna Et Externa

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

De Lege Externa

Beati, Gabriele

Augustæ Vindelicorum, 1729

VD18 80376800

56 An quodlibet mendacium, ad priuilegium irritandum sifficiat.

urn:nbn:de:hbz:466:1-39888

concedendam; Vnde, in hoc casu, copula connexionem non haberet cum materia dispensationis. Suarez tom. 2. de Relig. lib. 6. cap. 27. num. 10.

- I⁵** Quarto; Validam esse collationem Beneficij, si petens in supplicatione exponat, beneficium esse curatum, cum tamen sit simplex; cum enim Pontifex difficultius concedat beneficium curatum, quam simplex, qualitas ista beneficij, non mouet ad concedendum beneficium, sed potius retrahit; Vnde non tollit voluntatem absolutam Pontificis beneficium conferendi. Valor autem collationis, ab hac voluntate desumitur.
- I⁶** Quinto; Validam esse dispensationem Irregularitatis contractæ ob homicidium Sacerdotis, quamvis in obtinenda dis-

pensatione, circumstantia Sacerdotij expressa non fuerit. Tum quia, nullo iure, vel coniuetudine probatur, hanc circumstantiam, in huiusmodi dispensatione obtinenda, esse necessariò exprimendam. Tum quia haec circumstantia non habet connexionem cum materia dispensationis, sed est illi merè extrinseca; Irregularitas enim, imposita est homicidio, non ex eo, quod sit aliquod delictum graue; nam multis gravioribus, ut sunt blasphemia, perjurium, & similia; non est imposta; sed ex eo, quod Christi mansuetudini opponatur; In ordine autem ad hanc oppositionem, per accidens omnino se habet, quod occisus, fuerit Sacerdos, vel Laicus. Sanchez lib. 8. matr. disp. 21. num. 22.

QVAESTIO LVI.

An quodlibet mendacium ad Privilegium irritandum sufficiat.

C A S V S.

I TITIVS, ut facilius à Patre facultatem obtineret Ordines suscipiendo, Votum emiserat non nubendi. Post aliquod verò tempus, volens cum Berta Matrimonium contrahere, dispensationem petij, & obtinuit Voti Castitatis. Quæritur; Vtrum matrimonium licet contrahere possit.

S V M M A R I V M.

2 Dispensatio à Titio obtenta pro voto non

nubendi, viderur fuisse inualida.

3 Pontifex concessit dispensationem Voti Castitatis.

L. l. 3

¶ Vnum

- 4 Vnum Votum est narratum pro alio.
- 5 Est fictio in materia dispensationis.
- 6 Sicut si petita fuisset dispensatio pro Voto non fornicandi.
- 7 Et sicut, si erratum fuisset circa speiem impedimenti.
- 8 Dispensatio obtenta, fuit valida pro Voto non nubendi.
- 9 Votum castitatis, est veluti genus ad Votum non nubendi, & non fornicandi.
- 10 Se habent sicut includens, & inclusum.
- 11 Dispensatio in Voto non nubendi, facilius concreditur, quam in Voto Castitatis.
- 12 Volens dispensare in voto Castitatis, necessario vult etiam dispensare in Voto non nubendi.
- 13 Expresso Voto Castitatis, exprimitur sufficienter votum non nubendi.
- 14 Votum non nubendi, & non fornicandi, sunt Vota disparata.
- 15 Etiam dispensatio Voti Sacros Ordines suscipiendi, valet pro Voto non nubendi.
- 16 Non tamen, si Votum non nubendi sit factum in favorem alterius.
- 17 Dispensatio in impedimento ex Matrimonio rato, valet, quamvis impedimentum sit ortum ex sponsalibus.
- 18 Et legitimatio, quamvis exprimatur, illegitimum esse natum ex adulterio Coniugati cum Coniugata.
- 19 Et dispensatio in Voto, quamvis exprimatur iuramentum.

RATIONES DVBITANDI.

- 2 Q Vamuis ad valorem priuilegij, quod ad instantiam Partis conceditur,

ex parte rei in supplicatione narrata, requiratur veritas; Adhuc tamen dubitari solet; An ita requiratur, ut quodlibet mendacium, ad irritandam gratiam sufficiat. Videtur eniam sufficere; & propterea dispensationem obtentam, fuisse inualidam; ita sentire videntur *Nanarrus cap. 22. num. 86. Angelus v. Rescriptum, num. 3. Tabien. ibi quest. 3. num. 4. Beia, respons. cas. 62. Menochius conf. 385. num. 32. Gutierrez lib. 2. cap. 15. num. 100.*

Primo; Quia Pontifex, dispensationem concessit Voti Castitatis, non vero Voti non nubendi; Nam Pontifex, voluntatem non habuit dispensandi, nisi in re sibi narrata; sicut neque Ordinario facultatem concedit dispensandi, nisi preces veritate nitantur. Res autem narrata fuit Votum Castitatis, non vero Votum non nubendi. Cum ergo valor dispensationis, totus pendeat a voluntate Dispensantis sequitur, dispensationem concessam in Voto castitatis, non esse validam pro Voto non nubendi; & hoc esset verum, etiam si Titius, non malitiosè, sed bona fide hoc fecisset; Nam ad valorem dispensationis, non attenditur culpa, vel simplicitas Petentis, & Impetrantis, sed sola intentio Concedentis; ab hac enim sola vires suas sumit dispensatio; ut bene docet Sanchez lib. 8. matrim. disp. 21. num. 41. & in sum. lib. 4. cap. 47. num. 17.

Secundo; Quia inualida est dispensatio, quoties impedimentum certum narratur sub dubio; ut, si quis petat dispensatio-

sationem Voti, quod certò nouit se emisſe, sed in precibus exprimat Votum dubium, vt dictum est *Quæst. præced. coroll. 2.* Ergo à fortiori, invalida erit, quando vnum narratur pro alio, vt contingit in casu proposito, in quo narratur Votum Castitatis, loco Voti non nubendi: si enim omnino non exprimere substantiam rei dispensandæ sufficit, vt dispensatio sit nulla, à fortiori sufficiet, aliam rem, loco rei dispensandæ narrare.

5 Neque obstat, validam esse dispensationem Voti, obtentam ab eo; qui narravit; se esse Doctorem, cum verè non esset. Nam huiusmodi fictio non pertinet ad materiam, vel causam dispensationis; At, narrare vnum Votum pro alio, est singere in materia dispensationis. Hoc autem sufficit, vt dispensatio reddatur inualida.

6 Tertio; Quia, si quis habens Votum non nubendi, dispensationem peteret, & obtineret Voti non fornicandi, non valeret hæc dispensatio pro Voto non nubendi. Ergo similiter, si habens Votum non nubendi, dispensationem petat Voti Castitatis, non valebit hæc dispensatio pro Voto non nubendi; Non minus enim sunt diuersa, Votum non nubendi, & Votum Castitatis, quam Votum non nubendi, & Votum non fornicandi.

7 Quarta; Quia inualida est dispensatio, quando, in ipsa obtainenda erratur circa speciem impedimenti, quamvis impedimentum, quod exprimitur, sit maius; vt, si in supplicatione dicatur, volentes matrimonium contrahere, esse consanguineos in tertio gradu, cùm sint

solùm affines; vt docet Sanchez lib. 8. matr. disp. 24. num. 19. Ergo inualida etiam erit, si in ipsa obtainenda, eretur in specie Voti, quamvis Votum Castitatis, quod exprimitur, sit maius, quam Votum non nubendi, quod tacetur.

RESOLVTIO.

R Espondetur tamen, Titium posse g
licitè matrimonium contrahere.

Probatur; Quia, licet Voto solùm non nuberidi esset obstrictus, dispensatio tamen obtenta Voto Castitatis, vallet etiam pro Voto non nubendi. Suarez tom. 2. de relig. lib. 6. cap. ult. n. 8. Sanchez lib. 8. matrim. disp. 24. n. 17. & lib. 4. sum. cap. 47. num. 29. Gutierrez de matr. cap. 234. nu. 8. Ledesma in sum. cap. 27. matr. post. 7. concl. disp. 1. Rodrig. par. 1. cap. 238. concl. 3. num. 3. Bonac. disp. 1. quæst. 2. pun. 5. num. 15. & alij apud istos.

Primo; Quia, Votum castitatis est ve- 10
luti quodam genus ad Votum non nubendi, & ad Votum non fornicandi; & hæc duo Vota tanquam species sibi subiectas includit. Impossibile autem est, dispensare in ratione aliquâ generica, quin eo ipso dispensetur etiam in omnibus speciebus, ac indiuiduis sub illâ contentis; Impossibile enim est, quod priuilegium aliquod concedatur Ciuitati, V. G. quin eo ipso concedatur eius Ciuitibus; & Religioni, quin concedatur singulis Religiosis in illâ existentibus; quia Ciuitas nihil est aliud, quam eius Cives, & Religio, quam eius Religiosi. Sicut

Sicut ergo Priuilegium concessum Religioni extenditur necessario ad singulos Religiosos, ab eisque participatur; ita dispensatio in Voto Castitatis, extenditur necessario ad Votum non nubendi, & ad Votum non fornicandi, eaque comprehendit; Sicut enim Castitas, essentialiter includit abstinentiam à nuptijs, & à fornicatione, ita Votum Castitatis, essentialiter includit Votum non fornicandi; ideoque dispensari non potest in Voto Castitatis, quin eo ipso dispensetur etiam in Voto non nubendi.

II. Secundò; Quia Votum Castitatis, & Votum non nubendi sicut includens, & inclusum totum & pars; qui autem dispensat in toto, censetur etiam dispensare in parte; vnde in hoc casu, licet argumentari à maiori ad minus.

III. Tertiò; Quia omissione, vel falsa narratio qualitatis, cuius vera expressio, faciliorem redderet dispensationem, eam non irritat; non enim tollit voluntatem absolutam Dispensantis de ea simpliciter concedenda, imo potius illam arguit; Unde, si Impetrans beneficium, in supplicatione dicat, illud esse curatum, aut habere dignitatem annexam, cum tamen sit simplex, aut officium, valida est dispensatio, quia facilius conceditur simplex, quam curatum, vt docet Sanchez lib. 8. disp. 2. n. 35. Sed longè etiam facilius conceditur dispensatio in Voto non nubendi, quam in Voto Castitatis; cum Castitas dicat abstinentiam ab omni copula; non nubere vero, dicat abstinentiam à sola coniugali. Ergo huius etiam omissione, vel alterius falsa narratio, dispensationis valorem non impe-

diet. Et per hoc patet responsio ad rationes oppositas.

OBIECTIONUM SOLVTIO.

AD primam enim respondetur; Pon-
tificem, eo ipso, quod habuit voluntatem dispensandi in Voto Castitatis, habuisse etiam necessario voluntatem dispensandi in Voto non nubendi, cum hoc includatur in Voto Castitatis; neque exprimendo in supplicatione Votum Castitatis, sicut expressa falsitas, quia, cum in Voto Castitatis continetur etiam Votum non nubendi, eo ipso, quod petita est dispensatio in Voto castitatis, petita est etiam implicitè in Voto non nubendi.

Ad secundant, Negatur consequentia; 14 Disparitas autem est, quia, cum impedimentum dubium non sit verè impedimentum, sicut Votum dubium non est verè Votum, exprimendo impedimentum dubium, non omnino exprimitur substantia impedimenti, sive falsa est narratio; At exprimendo Votum Castitatis, exprimitur etiam sufficienter substantia Voti non nubendi, cum hoc includatur in Voto Castitatis.

Ad tertiam, Negatur consequentia. 15 Votum enim non nubendi, & Votum non fornicandi sunt omnino disparata. At utrumque continetur sub Voto Castitatis, tanquam duæ species sub suo genere; Hinc ergo fit, vt dispensatio Voti non nubendi, non valeat pro Voto non fornicandi, dispensatio vero Voti Castitatis, valeat etiam pro Voto non nubendi. Eodemque modo responderetur ad quartam; inutila enim est dispensatio, quando



quando erratur circa speciem impedimenti, si impedimenta sint disparata; secus verò, si vnum impedimentum includat aliud. Vnde, si quis in obtinenda dispensatione consanguinitatis, vel affinitatis, erret in gradu remotiori, dicendo, esse in tertio gradu, cum sit in quarto, **v**alida est dispensatio, quia qui dispensat in tertio, censetur etiam dispensare in quarto, cum hic in illo tanquam in maiori continetur.

COROLLARIA.

Colligitur ex dictis primò; Validam esse dispensationem si quis obstrictus Voto non nubendi, dispensationem obtineat Voti Sacros Ordines suscipiendi, quia in Voto Sactorum Ordinum continetur obligatio non nubendi, & aliquid aliud. *Suarez* c. 27. idemque dicendum est, si quis dispensationem obtineat in Voto perseverandi in Religione, cum tamen Votum emiserit solum Religionis; quia Votum perseverandi, continet Votum ingrediendi, & aliquid plus; Si quis tamen e contra obstrictus Voto Castitatis, vel perseverantiae in Religione, dispensationem peteret, & obtineret Voti non nubendi, vel Voti Religionis, invalida esset dispensatio. Tum quia, qui dispensat in parte, non censetur dispensare in toto, sicut qui dispensat in toto censetur dispensare in parte, cum pars non includat totum, sicut totum includit partem. Tum quia difficultius conceditur dispensatio totius, quam dispensatio partis; ideoque Dispensans in parte, non censetur velle dispensare in toto. Dispensatio autem, totum suum valorem obti-

R.P. Beati Lib. II.

net à voluntate dispensantis. *Sanchez* lib. 8. disp. 21. num. 23. & lib. 4. sum. c. 47. num. 35.

Secundò; Invalidam esse dispensationem Voti non nubendi, facti in fauorem alterius, si in petitione expressum fuit solum Votum non nubendi. Tum quia non fuit expressa tota substantia Voti. Tum quia Votum non nubendi factum in fauorem alterius, continet Votum non nubendi, & aliquid plus. Tum quia, cum per huius Voti acceptationem, alterius sit acquisitum ius, Pontifex non præsumitur voluisse alteri præiudicium afferre; ideoque tacetur aliquid pertinens ad materiam dispensationis, quo cognito, Pontifex, vel omnino non dispensasset, vel saltem difficultius. *Suarez* tom. 2. de relig. lib. 2. c. 41. *Sanchez* lib. 8. matrim. disp. 21. num. 50. & lib. 4. sum. 47. num. 36.

Tertiò; Dispensationem obtentam in impedimento publicæ honestatis in primo gradu, consurgentis ex matrimonio rato, validam esse, licet impedimentum consurgat ex sponsalibus. Tum quia hoc impedimentum videtur includi in illo, sicut sponsalia in matrimonio rato. Tum quia difficultius conceditur dispensatio in illo, quam in hoc; neque hæc impedimenta sunt inter se disparata, sicut sunt impedimentum consanguinitatis, & affinitatis in eodem gradu. Si tamen impedimentum publicæ honestatis, sit in secundo, vel tertio, aut quarto gradu, tunc necessè non erit exprimere, impedimentum, ortum fuisse ex matrimonio rato, quia constat, impedimen-

M m men-

mentum publicæ honestatis, excepto primo gradu, non aliunde consurgere, quam ex matrimonio rato, cum ex sponsalibus non oriatur publica honestas, ultra primum gradum. *Sanch. lib. 8. disp. 24. num. 17.*

19 Quartò; Validam esse legitimationem, si illegitimus ex adulterio coniugati cum soluta, in supplicatione exprimat, se esse natum ex adulterio Coniugati, cum Coniugata; Tum quia, in hoc casu, dispensatio difficultius conceditur, quam in illo; Tum quia, simplex comprehenditur sub mixto, in eoque includitur tanquam pars in toto. E contra tamen, non esset valida dispensatio, si illegitimus natus esset ex adulterio Coniugati cum Coniugata, & in petitione narraret, se esse natum ex adulterio Coniugati cum soluta; Tum quia Superior, in hoc casu, non intenderet dispensare; esset enim dolus circa substantiam, ac materiam dispensationis; Superior autem non censetur velle dispensare, nisi sub conditione; si res ita sit. Tum quia, tacetur aliquid, quo expreso, dispensatio difficultius concederetur. Tum deinde, quia qui dispensat in parte, non

censetur propterea dispensare in toto.
Sanchez disp. 24. num. 5.

Quintò; Validam esse dispensationem, si quis habens Votum ieiunij, falso dicat se iurasse ieiunium, tacito Voto, vel dicat, se habere Votum iuratum ieiunij; quia ad valorem dispensationis, parum refert, an sit Votum, an iuramentum; solum enim spectatur obligatio ex Religionis vinculo, Deo facta. Hæc autem, æquè ex quolibet eorum consurgit. Quare mendacium, non erit circa aliquid pertinens ad substantiam dispensationis, sicque eam non vitiabit. Quod si Votum, fuerit iuratum; tunc, quia solum Votum indiget dispensatione, eoque sublatu, cessat iuramentum, ideo valida erit dispensatio, siue exprimatur solum Votum, negato iuramento, siue solum iuramentum, tacito, vel negato Voto; quia iuramentum habet in se inclusam promissionem; ideoque taciturnitas illa, vel falsitas, non est circa aliquid pertinens ad substantiam dispensationis: *Sanchez lib. 8. disp. 2. num. 24.*



QVAE.